

佛說檀持羅麻法述經

佛說護諸童子陀羅尼呪經

元魏三藏法師菩提留支譯

爾時如來初成正覺有一大梵天王來詣佛所敬禮佛足而作是言

南無佛陀耶 南無達摩耶 南無僧伽耶

|       |       |       |
|-------|-------|-------|
| 我禮佛足尊 | 照世大法王 | 在於閻浮提 |
| 最初說神呪 | 甘露淨勝法 | 及禮無著僧 |
| 已禮牟尼足 | 即時說偈言 | 世尊諸如來 |
| 聲聞及辟支 | 諸仙護世王 | 大力龍天神 |
| 如是等諸衆 | 皆於人中生 | 有夜叉羅刹 |
| 常喜噉人胎 | 非人王境界 | 強力所不制 |
| 能令人無子 | 傷害於胞胎 | 男女交會時 |
| 使其意迷亂 | 懷妊不成就 | 或歌羅安陀 |
| 無子以傷胎 | 及生時奪命 | 皆是諸惡鬼 |
| 爲其作燒害 | 我今說彼名 | 願佛聽我說 |

行四

三

第一名彌酬迦 第二名彌伽王 第三名  
騫陀 第四名阿波悉魔羅 第五名牟致  
迦 第六名魔致迦 第七名閻彌迦 第  
八名迦彌尼 第九名梨波坻 第十名富  
多那 第十一名曼多難提 第十二名舍  
究尼 第十三名捷吒波尼尼 第十四名  
目佉曼荼 第十五名藍婆  
此十五鬼神常遊行世間爲嬰孩小兒而作  
於恐怖我今當說此諸鬼神恐怖形相以此  
形相令諸小兒皆生驚畏

彌酬迦者其形如牛 彌伽王者其形如師  
子 騫陀者其形如鳩魔羅天 阿波悉魔  
羅者其形如野狐 牟致迦者其形如獼猴  
魔致迦者其形如羅刹女 閻彌迦者其  
形如馬 迦彌尼者其形如婦女 梨波坻  
者其形如狗 富多那者其形如猪 曼多  
難提者其形如猫兒 舍究尼者其形如鳥  
捷吒波尼尼者其形如雞 目佉曼荼者  
其形如熏狐 藍婆者其形如蛇  
此十五鬼神著諸小兒令其驚怖我今當與

說諸小兒怖畏之相

彌酬迦鬼著者小兒眼睛迴轉 彌迦王鬼  
著者小兒數數嘔吐 騫陀鬼著者小兒其  
兩肩動 阿波悉魔羅鬼著者小兒口中沫  
出 牟致迦鬼著者小兒把拳不展 魔致  
迦鬼著者小兒自齧其舌 閻彌<sup>行四</sup>迦鬼著者  
小兒喜啼喜笑 迦彌尼鬼著者小兒樂著  
女人 梨波坻鬼著者小兒現種種雜相  
富多那鬼著者小兒眠中驚怖啼哭 曼多  
難提鬼著者小兒眠中喜啼喜笑 舍究尼

鬼著者小兒不肯飲乳 捷吒波尼尼鬼著  
者小兒咽喉聲塞 目佉曼荼鬼著者小兒  
時氣熱病下痢 藍婆鬼著者小兒數噫數  
噦

此十五鬼神以如是等形怖諸小兒及其小  
兒驚怖之相我皆已說復有大鬼神王名梅  
檀乾闥婆於諸鬼神最爲上首當以五色綖  
誦此陀羅尼一徧一結作一百八結并書其  
鬼神名字使人賣此書綖語彼使言汝今疾  
去行速如風到於四方隨彼十五鬼神所住

一處與栴檀乾闥婆大鬼神王令以五色綖  
縛彼鬼神兼以種種美味飲食香華燈明及  
以乳粥供養神王爾時大梵天王復白佛言  
世尊若有女人不生男女或在胎中失壞墮  
落或生已奪命此諸女等欲求子息保命長  
壽者當常繫念修行善法於月八日十五日  
受持八戒清淨洗浴著新淨衣禮十方佛至  
於中夜取少芥子置已頂上誦我所說陀羅  
尼呪者令此女人即得如願所生童子安隱  
無患盡其形壽終不中夭若有鬼神不順我

呪者我當令其頭破爲七分如阿梨樹枝即  
說護諸童子陀羅尼呪  
多經他 阿伽羅 伽寧那 伽伽寧 婆  
漏隸祇隸 伽婆隸 婆隸 婆隸 不隸  
不隸 羅叔祢 修羅俾 遮羅俾 婆陀  
尼 沙尼 婆羅呵 那易 彌那易 蘇  
波呵  
世尊我今說此陀羅尼呪護諸童子令得安  
隱獲其長壽故爾時世尊一切種智即說呪  
曰

多囉他 菩陀 菩陀 菩陀 菟摩帝 菩  
提菩提 摩隸式叉夜 婆舍利 婆多禰  
婆羅陀 頭隸 頭隸 婆臘多 頭隸  
舍摩膩 叔鞞叔隸 婆臘帝叔藍 舍彌  
帝 槃他槃締 婆呵膩 祇摩膩 陀波  
膩 蘇婆呵 膩婆 羅膩 蘇婆呵  
此十五鬼神常食肉血以此陀羅尼呪力故  
悉皆遠離不生惡心令諸童子離於恐怖安  
隱無患處胎初生無諸患難誦此呪者或於  
城邑聚落隨其住處亦能令彼嬰孩小兒長

得安隱終保年壽南無佛陀成就此呪護諸  
童子不為諸惡鬼神之所燒害一切諸難一  
切恐怖悉皆遠離蘇婆呵時此梵天聞說此  
呪歡喜奉行

佛說護諸童子陀羅尼呪經

行四

六

諸佛心陀羅尼經

唐三藏法師玄奘奉

詔譯

如是我聞一時薄伽梵住如來境界寶道場  
諸佛所都諸佛所樂智無疑滯菩薩妙宮具  
諸微妙種種嚴飾常演法音大功德殿與無